



ZAPISNIK

Sa 52. sjednice Upravnog odbora JU "Kantonalnog Zavoda za zaštitu kulturno-historijskog i prirodnog naslijeđa Sarajevo" održane u prostorijama Zavoda (ul. Josipa Štadlera br. 32) u petak, dana 01.08.2025. godine, sa početkom u 09:00 sati.

Sjednici su prisustvovali: Azra Koldžo, predsjednica Upravnog odbora, članice Selma Karačević-Kapić, Azra Sarić i Ivona Čolić te po ovlaštenju direktora Emir Ramić.

Članica Upravnog odbora Elša Turkušić-Jurić bila je opravdano odsutna, ali je prije početka sjednice putem email dostavila svoje izjašnjenje i glasove na predloženi materijal.

Predsjednica Upravnog odbora Azra Koldžo predložila je sljedeći Dnevni red za usvajanje:

DNEVNI RED

1. Usvajanje zapisnika sa 51. sjednice Upravnog dobra,
2. Etički kodeks JU Kantonalni zavod za zaštitu kulturno-historijskog i prirodnog naslijeđa Sarajevo,
3. Odluka kojom se područje „Sumporna vrela“ proglašava se zaštićenim dobrom IIIb kategorije - Spomenik prirode i prirodnih obilježja;
4. Odluka kojom se područje „Studeni potok“ proglašava se zaštićenim dobrom IIIb kategorije - Spomenik prirode i prirodnih obilježja;
5. Odluka kojom se područje „Megara“ proglašava se zaštićenim dobrom IIIb kategorije - Spomenik prirode i prirodnih obilježja;
6. Odluka kojom se područje „Ledenica“ proglašava se zaštićenim dobrom IIIb kategorije - Spomenik prirode i prirodnih obilježja;
7. Odluka kojom se područje „Klokočevica“ proglašava se zaštićenim dobrom IIIb kategorije - Spomenik prirode i prirodnih obilježja;
8. Prijedlog odluke kojom se određuje vršilac dužnosti direktora;
9. Informacija o završetku perioda na koji je imenovan Upravni odbor;
10. Ostalo.

Dnevni red je jednoglasno usvojen.

AD – 1 Upravni odbor jednoglasno usvaja Zapisnik sa 51. sjednice UO-a.

AD – 2 Emir Ramić je ukratko iznio izmjene Etičkog kodeksa u odnosu na verziju koja je ranije razmatrana na sjednici Upravnog odbora, a tiče se upotrebe elektronskih cigareta koja je potpuno



**KANTONALNI ZAVOD ZA ZAŠTITU
KULTURNO-HISTORIJSKOG I PRIRODNOG NASLIJEĐA
SARAJEVO**

INSTITUTE FOR THE PROTECTION OF CULTURAL-HISTORICAL
AND NATURAL HERITAGE OF CANTON SARAJEVO

zabranjena, te predviđanjem mogućnosti postupanja u slučaju neprimjerenog ponašanja stranki prema uposlenicima Zavoda.

Etički kodeks je jednoglasno usvojen.

AD – 3 Erna Dautbegović, viši stručni saradnik za zaštitu prirodnih vrijednosti, izložila je historijat, pravni osnov i planirane aktivnosti u vezi sa donošenjem odluka kojima se utvrđuje prijedlog da se zaštićenim dobrom IIIb kategorije - Spomenik prirode i prirodnih obilježja proglase sljedeći lokaliteti: „Sumporna vrela“, „Studeni potok“, „Megara“, „Ledenica“ i „Klokočevica“.

Pet prijedloga za stavljanje dobra prirodne baštine pod zaštitu izrađeno je na osnovu Stručnog obrazloženja za proglašenje zaštite prioriternih pojedinačnih prirodnih vrijednosti iz oblasti hidrogeološkog i geomorfološkog spomeničkog naslijeđa broj: 01/01-2179-1/31-2020 od 19.4.2023. godine. Stručno obrazloženje izradio je Prirodno-matematički fakultet Univerziteta u Sarajevu u okviru projekta koje je finansiralo Ministarstvo komunalne privrede, infrastrukture, prostornog uređenja, građenja i zaštitu okoliša Kantona Sarajevo i isto obuhvata ukupno 23 dobra baštine. Na osnovu izvršenih istraživanja i postojećih podataka, u skladu sa Zakonom o zaštiti prirode FBiH Zavod predlaže Upravnom odboru utvrđivanje prijedloga za izdvajanje zaštićenog područja sljedeće kategorije: Kategorija IIIb Spomenik prirode i prirodnih obilježja, sa primarnim ciljem zaštite izraženih specifičnih prirodnih obilježja i njima pridruženog biodiverziteta i staništa, kao i radi zaštite biodiverziteta u kopnenim pejzažima koji bi inače trpili značajne promjene, te zaštite i očuvanja kulturnih i duhovnih vrijednosti na njihovim lokalitetima. Članom 144. Zakona o prirodi FBiH utvrđeno je da zaštićene prirodne vrijednosti IIIb kategorije - spomenik prirode i prirodnih obilježja proglašava zakonom kantonalna skupština.

Upravni odbor je jednoglasno usvojio:

1. Odluku kojom se utvrđuje prijedlog da se područje „Sumporna vrela“ proglasi zaštićenim dobrom IIIb kategorije - Spomenik prirode i prirodnih obilježja;
2. Odluku kojom se utvrđuje prijedlog da se područje „Studeni potok“ proglasi zaštićenim dobrom IIIb kategorije - Spomenik prirode i prirodnih obilježja;
3. Odluku kojom se utvrđuje prijedlog da se područje „Megara“ proglasi zaštićenim dobrom IIIb kategorije - Spomenik prirode i prirodnih obilježja;
4. Odluku kojom se utvrđuje prijedlog da se područje „Ledenica“ proglasi zaštićenim dobrom IIIb kategorije - Spomenik prirode i prirodnih obilježja;
5. Odluku kojom se utvrđuje prijedlog da se područje „Klokočevica“ proglasi zaštićenim dobrom IIIb kategorije - Spomenik prirode i prirodnih obilježja.

AD – 4 Direktor JU Kantonalni zavod za zaštitu kulturno-historijskog i prirodnog naslijeđa ističe period na koji je imenovan u augustu 2025. godine. Direktor se, cijeneći Zaključak Vlade Kantona Sarajevo broj 02-04-55334-26/24 od 30.12.2024. godine, obratio Ministarstvu kulture i sporta Kantona Sarajevo sa aktom "Molba za saglasnost za raspisivanje konkursa za poziciju direktora" (broj 04-01-276/25 od 25.03.2025. g.). Kako do danas ustanova nije zaprimila saglasnost resornog ministarstva, to je neophodno imenovati vršioca dužnosti direktora.



**KANTONALNI ZAVOD ZA ZAŠTITU
KULTURNO-HISTORIJSKOG I PRIRODNOG NASLIJEĐA
SARAJEVO**

INSTITUTE FOR THE PROTECTION OF CULTURAL-HISTORICAL
AND NATURAL HERITAGE OF CANTON SARAJEVO

Iz navedenih razloga, predlaže se donošenje Rješenja o imenovanju vršioca dužnosti direktora JU Zavoda za zaštitu kulturno-historijskog i prirodnog naslijeđa Sarajevo iz reda stručnih lica Zavoda. Lice stupa na dužnost danom donošenja rješenja Vlade Kantona Sarajevo i rukovodi ustanovom do imenovanja direktora, a najduže tri (3) mjeseca. Za vršioca dužnosti imenuje se gospođa Amira Radončić, zaposlena kao stručni savjetnik za zaštitu graditeljske baštine u JU Zavod za zaštitu kulturno-historijskog i prirodnog naslijeđa Sarajevo.

Rješenje je jednoglasno usvojeno.

AD – 5 Predsjednica je iznijela posljednju tačku dnevnog reda kojom se predlaže dostavljanje informacije Ministarstvu kulture i sporta o tome kako dana 13.08.2025. godine ističe period na koji je imenovan Upravni odbor JU Kantonalni zavod za zaštitu kulturno-historijskog i prirodnog naslijeđa Sarajevo, na znanje, te za potrebe privremenog imenovanja predsjednika i članova Upravnog odbora na kraći period.

AD – 6 Pod tačkom ostalo članovi Upravnog odbora su razgovarali o potrebi raspisivanja javnog konkursa za imenovanje direktora Zavoda, te opasnosti da uslijed isteka mandata članova Upravnog odbora kao i direktora dođe do praznine u kojoj Zavod nema nijedan organ upravljanja. Usaglašeno je da će se po potrebi, prije isteka mandata Upravnog odbora, održati još jedna sjednica.

Sjednica je zaključena u 10:10 sati.

**Zapisnik pripremila
Azra Koldžo**

Predsjednica Upravnog odbora

Azra Koldžo

Dostaviti:

1. Ministarstvu kulture i sporta Kantona Sarajevo,
2. Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo,
3. Članovima upravnog odbora (elektronskim putem),
4. Direktoru,
5. Stručnom saradniku za JN, obračun i likvidaturu,
6. Arhivi UO,
7. Arhivi Zavoda.